

## ვაქცინაციის ჩატარების წესი

**მუხლი 1.** რისკის ან პრიორიტეტულ ჯგუფს გრიპის საწინააღმდეგო ვაქცინაცია შეუძლია ჩაიტაროს:

**1.1.** დიაბეტის მქონე პირებმა; მუკოვისციდოზით დაავადებულებმა; ბავშვთა (მ.შ. მცირე საოჯახო ტიპის) და მოხუცთა თავშესაფრების ბენეფიციარებმა და მათმა მომვლელმა პერსონალმა; ორსულებმა; “სავალდებულო პროფილაქტიკურ იმუნიზაციას დაქვემდებარებულ საქმიანობათა ნუსხის დამტკიცების თაობაზე” საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2019 წლის 22 იანვრის N 01/ - 6/5 ბრძანების დანართი 1 -ით განსაზღვრულმა სავალდებულო იმუნიზაციას დაქვემდებარებულმა პროფესიულმა ჯგუფებმა - საქართველოში არსებულ იმ სამედიცინო დაწესებულებებში, რომლებიც მონაწილეობენ იმუნიზაციის სახელმწიფო პროგრამაში, როგორც გრიპის საწინააღმდეგო ვაქცინებისა და ასაცრელი მასალების მიმწოდებელი;

**1.2.** C ჰეპატიტის მქონე პირებმა (მხოლოდ მკურნალობაზე მყოფნი) - იმ სამედიცინო დაწესებულებებში, სადაც ისინი გადიან C ჰეპატიტზე მკურნალობის კურსს ან საქართველოში არსებულ იმ სამედიცინო დაწესებულებებში, რომლებიც მონაწილეობენ იმუნიზაციის სახელმწიფო პროგრამაში, როგორც გრიპის საწინააღმდეგო ვაქცინებისა და ასაცრელი მასალების მიმწოდებელი;

**1.3.** აივ ინფექცია/შიდსის მქონე პირებმა - იმ სამედიცინო დაწესებულებებში, სადაც გადიან აივ ინფექცია/შიდსის მკურნალობის კურსს ან საქართველოში არსებულ იმ სამედიცინო დაწესებულებებში, რომლებიც მონაწილეობენ იმუნიზაციის სახელმწიფო პროგრამაში, როგორც გრიპის საწინააღმდეგო ვაქცინებისა და ასაცრელი მასალების მიმწოდებელი;

**1.4.** დიალიზზე მყოფმა პირებმა - იმ სამედიცინო დაწესებულებებში სადაც რეგისტრირებული არიან დიალიზის მომსახურების მიმღებად ან საქართველოში არსებულ იმ სამედიცინო დაწესებულებებში, რომლებიც მონაწილეობენ იმუნიზაციის სახელმწიფო პროგრამაში, როგორც გრიპის საწინააღმდეგო ვაქცინებისა და ასაცრელი მასალების მიმწოდებელი;

**მუხლი 2.** „2022 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2022 წლის 12 იანვრის №4 დადგენილების საფუძველზე, სეზონური გრიპის საწინააღმდეგო ვაქცინაციის ჩატარების უზრუნველყოფი გრიპის საწინააღმდეგო ვაქცინებისა და ასაცრელი მასალების მიმწოდებლად დარეგისტრირებული დაწესებულებების ანაზღაურება გაწეული მომსახურებისთვის შეადგენს 1 (ერთი) ლარს, სოფლის ექიმის სახელმწიფო პროგრამის მიმწოდებელი სოფლის ექიმისა და ექთნის შემთხვევაში 50-50 თეთრს.

**მუხლი 3.** ამ წესის პირველი მუხლით განსაზღვრული მომსახურების მიმწოდებლები ვალდებული არიან იმუნიზაციის პროცესი ჩაატარონ შეუფერხებლად, ამ ბრძანებით დადგენილი წესით, თუ არსებობს ასაცრელი პირის რომელიმე რისკის ან პრიორიტეტულ ჯგუფში მიკუთვნების კანონიერი საფუძველი.

**მუხლი 4.** ამ წესით განსაზღვრული ვაქცინის ადმინისტრირება დაშვებულია COVID-19-ის ვაქცინაციასთან ერთად, ერთსადაიმთხვე დღეს, სხვადასხვა ზედა კიდურზე - მხრის ზედა ნაწილში, დელტისებურ კუნთში), წინააღმდეგ შემთხვევაში რეკომენდებულია, რომ აცრებს შორის მინიმალური ინტერვალი იყოს 14 დღე.